

სახელმწიფო შესყიდვის შესახებ ხელშეკრულება  
ხელშეკრულება №147

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულებას, რომელიც დადებულია გამარტივებული შესყიდვის საშუალებით

ქ. ბათუმი

30 ოქტომბერი 2017 წ.

**ხელშეკრულების მხარეები:**

შპს „ბათუმის სასწრაფო სამედიცინო დახმარების ცენტრი“ (შემდგომში „შემსყიდველი“) წარმოდგენილი მისი დირექტორი მინდია კახიძე,

შპს „პინგვინი“ (შემდგომში „მიმწოდებელი“), წარმოდგენილი მისი დირექტორი დავით შანიძე,

ორთავე ერთად „მხარეები“, საქართველოს მოქმედი კანონმდებლობისა და „სახელმწიფო შესყიდვების შესახებ“ კანონის საფუძველზე, გამარტივებული შესყიდვების შედეგად ვდებთ წინამდებარე სახელმწიფო შესყიდვების შესახებ ხელშეკრულებას შემდეგზე:

**1. ხელშეკრულებაში გამოყენებულ ტერმინთა განმარტებები**

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და მიმწოდებელს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. „მიმწოდებელი“ - პირი, რომელსაც აქვს შესყიდვის პროცედურებში მონაწილეობის სურვილი ან რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვების შესახებ;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

**2. ხელშეკრულების საგანი**

- 2.1. ხელშეკრულების საგანს წარმოადგენს 150 ატმოსფეროს მქონე 8 კილოგრამიანი 64 ერთეული ჟანგბადის ბალონის შევსების შესყიდვა, თანახმად დანართი N1-სა, რომელიც წარმოადგენს ხელშეკრულების განუყოფელ ნაწილს.
- 2.2 კლასიფიკატორის კოდი : 24100000.

**3. ხელშეკრულების ღირებულება**

- 3.1 ხელშეკრულების ჯამური ღირებულება - 1024 (ერთი ათას ოცდაოთხი) ლარი.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

**4. ანგარიშსწორების ფორმა და ვადები**

- 4.1. ანგარიშსწორების ფორმა იქნება: უნაღდო (გადარიცხვა) ეროვნულ ვალუტაში.
- 4.2. მიმწოდებელთან ანგარიშსწორება იწარმოებს (სამედიცინო მომსახურებიდან მიღებული შემოსავლები და შპს სახსრები) მიღება-ჩაბარების აქტის გაფორმებიდან 10 დღის განმავლობაში, წარმოდგენილი მიღება-ჩაბარების აქტის, ანგარიშ-ფაქტურის ან სასაქონლო ზედნადების საფუძველზე.

**5. შესყიდვის ობიექტის მიღება-ჩაბარების წესი**

- 5.1. „შემსყიდველი“ შესყიდვის ობიექტის მიღებას მოახდენს ეტაპობრივად.
- 5.2. „მიმწოდებელი“ შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტს ან ნაკლი აღმოფხვრავს საკუთარი ხარჯებით გამოვლენიდან/შეტყობინებიდან 3 (სამ) სამუშაო დღის ვადაში.

**6. საქონლის მიწოდების ადგილი და ვადა**

- 6.1. საქონლის მიწოდების ადგილად განისაზღვრება შემსყიდველის მისამართი.
- 6.2. საქონლის მიწოდება შემსყიდველისათვის უნდა განხორციელდეს 2017 წლის 31 დეკემბრის ჩათვლით ეტაპობრივად, წინამდებარე ხელშეკრულების გაფორმებიდან, შემსყიდველის მოთხოვნიდან 1 დღის ვადაში.

## 7. მხარეთა უფლება-მოვალეობანი

### 7.1. შემსყიდველი უფლებამოსილია:

ა) ნებისმიერ დროს განახორციელოს მიწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) საქონლის მიწოდების დასრულებამდე გამოითხოვოს მიწოდებლისაგან მისთვის საჭირო დოკუმენტი.

### 7.2. შემსყიდველი ვალდებულია:

- უზრუნველყოს მიწოდებლის მიერ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

### 7.3. მიწოდებელი უფლებამოსილია:

- მოთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

### 7.4. მიწოდებელი ვალდებულია:

ა) მიაწოდოს საქონელი სათანადო ხარისხით და სრული მოცულობით, ხელშეკრულების მე-5 და მე-6 მუხლის შესაბამისად;

ბ) უზრუნველყოს საქონლის მიწოდება დანართი N1-ის შესაბამისად;

გ) იმ შემთხვევაში, თუ მიწოდებული საქონელი ნაკლის მქონე აღმოჩნდება, აღმოფხვრას ნაკლი ან შეცვალოს იგი გამოვლენიდან/შეტყობინებიდან 3 (სამ) სამუშაო დღის ვადაში.

## 8. ხელშეკრულების შესრულების კონტროლი

8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ ხელშეკრულების დადების მომენტისათვის შესაბამისად განსაზღვრული პირი.

8.2. ინსპექტირება გულისხმობს ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

8.3. მიწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

## 9. პირგასამტეხლო ხელშეკრულების პირობების შეუსრულებლობისათვის

9.1. ფორს-მაჟორული პირობების გარდა, მიწოდებლის მიერ ხელშეკრულების პირობების შეუსრულებლობისა ან/და დავიანებით შესრულების შემთხვევაში შესაძლებელია გამოყენებულ იქნას საჯარიმო სანქციები, ხელშეკრულებით გათვალისწინებული პირობების დავიანებით შესრულებისათვის ყოველ ვადაგადაცილებულ დღეზე ხელშეკრულების ჯამური ღირებულების 0.02 %.

9.2. იმ შემთხვევაში, თუ საჯარიმო სანქციების ჯამური თანხა გადააჭარბებს ხელშეკრულების ღირებულების 4%-ს, შემსყიდველს უფლება აქვს შეწყვიტოს ხელშეკრულება.

9.3. პირგასამტეხლოს გადახდა არ ათავისუფლებს მიწოდებელს ხელშეკრულების ძირითადი ვალდებულებების შესრულებისაგან.

## 10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

10.2. თუ რაიმე წინასწარ გათვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა "სახელმწიფო შესყიდვების შესახებ" საქართველოს კანონის და ამ დებულების მოთხოვნათა გათვალისწინებით. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 11. ფორს-მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუზრუნველობას, თუ ხელშეკრულების შესრულების შეფერხება ან

მისი ვალდებულებების შეუსრულებლობა არის ფორს-მაჟორული გარემოების შედეგი.

11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიწოდებლის შეცდომებსა და დაუდევრობასთან და რომლებსაც გააჩნია წინასწარ გათვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კრანტინით და საქონლის მიწოდებაზე ემზარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოინახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

#### 12. სადაო საკითხების გადაწყვეტა

12.1. შემსყიდველმა და მიწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დაგა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგინილი წესის მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

#### 13. ხელშეკრულების ენა

13.1. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა. ორი ეგზემპლარი გადაეცემა შემსყიდველს, ხოლო ერთი ეგზემპლარი ინახება მიწოდებელთან.

#### 14. ხელშეკრულების მოქმედების ვადა

14.1. ხელშეკრულება ძალაში შედის ხელმოწერის მომენტიდან და მოქმედებს 2018 წლის 31 იანვრის ჩათვლით.

#### 15. მხარეთა რეკვიზიტები

15.1. „მხარეები“ ვალდებული არიან, რეკვიზიტების ცვლილებები წერილობითი ფორმით აცნობონ ერთმანეთს.

##### „შემსყიდველი“

შპს „ბათუმის სასწრაფო სამედიცინო დახმარების ცენტრი“  
საიდენტიფიკაციო კოდი - 245426490  
მისამართი: ქ. ბათუმი, ალ.პუშკინის ქ. N154  
ტელ: (+0422) 258703  
საბანკო რეკვიზიტები:  
მიმღები ბანკი: ს.ს. „თიბისი ბანკი“  
ბანკის კოდი - TBGBGE22  
ა/ნ - GE92TB445736020400006

დირექტორი  
მინდია კახიძე



##### „მიწოდებელი“

შპს „პინგვინი“  
საიდენტიფიკაციო კოდი - 238725705  
მისამართი: ქ.სამტრედია, კოსტავას I ჩიხი N4  
ელ.ფოსტა: Penguinltd@mail.ru  
ტელ: 593301904  
საბანკო რეკვიზიტები:  
მიმღები ბანკი: ს.ს. „საქართველოს ბანკი“  
ბანკის კოდი - BAGAGE22  
ა/ნ - GE36BG000000886401100

დირექტორი  
დავით შანიძე



ხელშეკრულება N147

ქ. ბათუმი

30 ოქტომბერი 2017 წ.

| N                   | საქონლის/მომსახურების დასახელება                                 | რაოდენობა | განზომილების ერთეული | ერთეულის ღირებულება | ღირებულება ლარი |
|---------------------|--|-----------|----------------------|---------------------|-----------------|
| 1                   | 64 ერთეული, 150 ატმოსფეროს მქონე 8 კგ. ყანგადაის ბალონის შევსება | 64        | ცალი                 | 16                  | 1024            |
| სულ ჯამი: 1024 ლარი |  |           |                      |                     |                 |

„შემსყიდველი“

შპს „ბათუმის სასწრაფო სამედიცინო დახმარების ცენტრი“  
 საიდენტიფიკაციო კოდი - 245426490  
 მისამართი: ქ. ბათუმი, ალ.პუშკინის ქ. N154  
 ტელ: (+0422) 258703  
 საბანკო რეკვიზიტები:  
 მიმღები ბანკი: ს.ს. „თიბისი ბანკი“  
 ბანკის კოდი - TRCBGE22  
 ა/ნ - GE92TB4457736020100006

დირექტორი  
 მინდია ვანიძე



„მიმწოდებელი“

შპს „პინგვინი“  
 საიდენტიფიკაციო კოდი - 238725705  
 მისამართი: ქ.სამტრედია, კოსტავას I ჩიხი N4  
 ელ.ფოსტა: PenguinLtd@mail.ru  
 ტელ: 593301904  
 საბანკო რეკვიზიტები:  
 მიმღები ბანკი: ს.ს. „საქართველოს ბანკი“  
 ბანკის კოდი - BAGAGE22  
 ა/ნ - GE36BG000000886401100

დირექტორი  
 დავით შანიძე

